

Na osnovu člana 30. Zakona o šumama ("Službene novine Federacije BiH", broj 20/02), federalni ministar poljoprivrede, vodoprivrede i šumarstva, donosi

## **PRAVILNIK O USLOVIMA KOJE MORAJU ISPUNJAVATI IZVOĐAČI RADOVA UŠUMARSTVU**

### **Član 1.**

Ovim pravilnikom propisuju se uslovi koje moraju ispunjavati privredna društva i druga pravna lica (u daljem tekstu: izvođači radova) koji izvode radove u šumarstvu.

### **Član 2.**

Izvođenje radova u šumarstvu može obavljati izvođač radova pod uslovom da je upisan u sudski registar, da je stručno i tehničko-tehnološki osposobljen u pogledu izvođenja radova i da upošljava odgovarajući broj stručnih kadrova. Kantonalno ministarstvo nadležno za poslove šumarstva (u daljem tekstu: kantonalno ministarstvo) na čijoj teritoriji je izvođač radova upisan u sudski registar izdat će rješenje na osnovnu mišljenja stručne komisije o ispunjenosti uslova iz stava

1. ovog člana, bez kojeg izvođači radova ne može učestvovati na licitaciji za ustupanje i izvođenje radova u šumarstvu.

### **Član 3.**

Radovi u šumarstvu za čije izvođenje se izdaje rješenje o ispunjenosti uslova u skladu sa ovim pravilnikom su slijedeći: šumsko-uzgojni radovi (priprema zemljišta za prirodno podmlađivanje, pošumljavanje, njega i čišćenje kultura i sastojina), iskorištavanju šuma (sječa i izrada šumskih drvenih sortimenata, privlačenje i iznos od panja do kamionskog puta i transport drvnih sortimenata) i radovi na održavanju i izgradnji šumskih komunikacija i pratećih objekata.

### **Član 4**

Izvođači radova koji obavljaju radove u šumarstvu, u skladu sa članom 3. ovog pravilnika, moraju imati stalno uposlene Broj 2 – Strana 46 SLUŽBENE NOVINE FEDERACIJE BiH Ponedjeljak, 27. siječnja/januara 2003. djelatnike koji za obavljanje radova u šumarstvu imaju najmanje stručno obrazovanje kako slijedi:

1. Za šumsko-uzgojne radove i radove na iskorištavanju šuma: jedan diplomirani inženjer šumarstva sa jednom godinom radnog iskustva i jedan šumski tehničar sa pet godina radnog iskustva, po jednog kvalificiranog djelatnika za svako mehanizirano sredstvo s kojim se izvode radovi i odgovarajući broj PK i NK djelatnika koji obavljaju poslove iznođenja i izvlađenja drvnih sortimenata sa animalom.

2. Za održavanje i gradnju šumskih komunikacija i pratećih objekata: jedan diplomirani inženjer šumarstva ili građevinarstva sa jednom godinom radnog iskustva ili jedan tehničar: šumarski ili građevinski sa pet godina radnog iskustva, po jednog kvalificiranog djelatnika (rukovaoca) za svako mehanizirano sredstvo pri izvođenju radova i odgovarajući broj PK i NK djelatnika.

### **član 5.**

Izvođači radova za dobijanje rješenja o ispunjavanju uslova za obavljanje tih radova obavezni su da kantonalnom ministarstvu dostave dokaze o:

- stalno uposlenim djelatnicima;
- stručnoj osposobljenosti uposlenih;
- tehničkoj ispravnosti sredstava za rad.

### **Član 6.**

Izvođači radova o ispunjavanju uslova u pogledu stručne spremlje iz člana 4. ovog pravilnika dokazuju:

- za visoku i srednju stručnu spremu prilaganjem diplome, odnosno svjedočanstva od nadležne institucije za naobrazbu;
- za kvalificirane djelatnike (rukovaoca) prilaganjem diplome ili svjedočanstva od nadležne institucije ili uvjerenja dobivenog na osnovu odredaba člana 30. stav 4. Zakona o šumama.

### **Član 7.**

## Službene novine FBiH, broj: 2/03

Tehničko-tehnološku opremljenost izvođači radova dokazuju sa uredno popunjenim listama sredstava rada i dokumentima o tehničkoj ispravnosti mehaniziranih sredstava s kojima se izvode radovi.

### Član 8.

Izvođač radova je obavezan da osigura sve neophodne uslove sigurnosti na radu u skladu sa zakonskim propisima.

### Član 9.

Izvođači radova koji obavljaju radove iz člana 3. ovog pravilnika obavezuju se da usklade svoju djelatnost s odredbama ovog pravilnika najkasnije u roku od šest mjeseci od dana njegovog stupanja na snagu.

### Član 10.

Odredbe ovog pravilnika ne odnose se na kantonalna šumskoprivredna društva.

### Član 11.

Ovaj pravilnik stupa na snagu narednog dana od dana objavljivanja u "Službenim novinama Federacije BiH". Broj 01-02-24/03 15. januara 2003. godine  
Sarajevo Ministar

**Behija Hadžihajdarević, s. r**

Sl. Novine FBiH, broj: 48/03

## FEDERALNO MINISTARSTVO POLJOPRIVREDE, VODOPRIVREDE I ŠUMARSTVA

Na osnovu člana 30. Zakona o šumama ("Službene novine Federacije BiH", broj 20/02), federalni ministar poljoprivrede, vodoprivrede i šumarstva donosi

### PRAVILNIK O IZMJENAMA I DOPUNAMA PRAVILNIKA O USLOVIMA KOJE MORAJU ISPUNJAVATI IZVOĐAČI RADOVA U ŠUMARSTVU

#### Član 1.

U Pravilniku o uslovima koje moraju ispunjavati izvođači radova u šumarstvu ("Službene novine Federacije BiH", broj 2/03), u članu 4. u stavu 1. u tački 1. riječi: **"sa jednom godinom radnog iskustva i"**, zamjenjuju se riječima: **"dvije godine radnog iskustva ili"**.  
U članu 4. u stavu 1. u tački 2. riječ **"jednom"**, zamjenjuje se riječju **"dvije"**.

#### Član 2.

U članu 10. u stavu 1. na kraju rečenice, briše se tačka I dodaju riječi: **"i obrtničke djelatnosti koje obavljaju poslove: primicanja, privlačenja i iznošenja šumskih drvnih sortimenata animalima."**

#### Član 3.

Ovaj pravilnik stupa na snagu narednog dana od dana objavljivanja u "Službenim novinama Federacije BiH". Broj 01-02-24-1/03 27. augusta 2003. godine

Sarajevo Ministar **Marinko Božić, s. r.**